

Enberdad e Presidente actual di MEP ta discrimina Mari "si" pero Danny "no"

ORANJESTAD. (AAN): Manera ta conoci tin un lucha cu Danny ta hibando, pero mas bien e lo tin di cuminsa pa pensa cu tin un dicho na Ingles conoci y cu na varios ocasion sa wordo expresa esta "Wish full Thinking". Cuminsa medita y corda kico a sosode cu yiu di Betico Croes. E tambe tabata tin aspiracion

pa drenta MEP, y el a wordo boycotea y te dia di awe e yiu di Betico esta Glenbert no por drenta den e partido cu su propio tata a lanta. Pa colmo mayoria cu a aparece riba ultimo lista no ta forma parti como esnan di primira ora. Mientras Danny a hasi tur su esfuerzo pa habri su oficinadi campaña na Savaneta el a

wordo notifica aparentemente cu no por. Pero si ora bo pasa na Tanki Leendert, tin un ex oficina di ADN cu lo bay habri pa cartel di Marisol. En corto Mari "Si" y Danny "No". Danny lo tin di saca su conclusion, "bo ta wordo teni abao y discrimina" pa e presidente actual di e partido Geel.

Pa colmo Danny a ricibi 647 voto mientras Junior 278. "Danny" a ricibi mas cu doble voto djis saca bo som.

Ta spera cu e presidente nobo di partido lo cambia su "tono" y "aire" di discriminacion. T e aki un di e sostenedorman di "Danny".

Preso cu a huy for di KIA gara

KIA lo tuma medidanan disciplinario contra dje

ORANJESTAD (AAN)— Ministerio Publico ta señala mediante un comunicado di prensa cu diferente seccion di Polis, trahando intensivamente y siguiendo tur pista cu tabata tin relaciona cu e huymento di KIA di un detenido, a conduci Diamars anochi na e detencion di L.M.M., cu Diasabra cu a pasa a logra huy for di KIA. Banda di L.M.M., a detene 4 persona mas, incluyendo C.V.E.I. cu ta worde sospecha di ta involucra den e tiramento di dia 19 di Maart 2005 den centro di Oranjestad, den cual varios

persona a resulta herida. L.M.M. awor ta worde sospecha di menaza y destruccion. E huymento di KIA riba su mes no ta un hecho castigable pa cual e por worde persegui. Loke si por ta cu KIA ta tuma medidanan disciplinario contra dje. C.V.I ta keda deteni a base di e sospecho cu e ta worde enbolvi den e tiramento di dia 19 di Maart 2005. E otro 3 personanan, di inicialnan E.D.R., J.A.P y R.D.S., a worde poni den libertad pero ainda ta worde sospecha di ta enbolvi den e huymento for di KIA y di vuda un fugitivo.

Erick Zaandam

No ta confirma ni descarta si e lo subi lista politico

ORANJESTAD (AAN) — Durante un entrevista cu señor Erick Zaandam, presidente di sindicato di Cuerpo Policial (SPA), DIARIO a punte kico tin di berdad cu e lo incursiona riba tereno politico y cu pa e siguiente eleccion e lo ta riba un lista politico.

Zaandam a califica tur esaki como speculation mas tanto, pero no a descarta e posibilidad aki. Mas ainda, el a bisa cu aunke su intencion ta di sigui lucha pa logra e metanan cu tin awor como sindicalista, e ta mira cu na dado momento e lo tin cu sirbi pueblo di Aruba riba un otro direccion.

Zaandam ningun momento a descarta e posibilidad di subi un lista politico, despues cu el a worde acerca pa diferente partido cu lo ta den e contienda electoral di 2005,

no obstante a subraya cu e no a tuma un decision concreto ainda y e no a acepta tampoco ningun puesto riba lista politico, na e momentonan aki. E ta considera su mes un persona cu ta cumpli cu e reglanan cu ta worde stipula pa subi un lista politico, pues

e no ta sinti su mes exclui for di e posibilidad aki. Sinembargo, e kier a laga bon cla cu aworaki e no a tuma un decision y si encaso e dicidi cu esaki ta e caminda cu e kier sigui, oficialmente e lo duna informacion na medionan di prensa, pues na pueblo.



BEST DEAL
Tel: 5827100
(Pariba di Aruba Bank, Paradera)

BEST SHOPPING DEAL
Turibana Plaza
Tel: 5865455

Video Intercom System
Afl: 225,=